

Saturday, June 20, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

HORTI FAIR

Horticulture Fair vawi 13-na Aizawl Lammuala huaihawt mekah department chhinchhiahna hnukung berah cheng nuai 60 man chuang hralhchhuah tawh a ni.

Akashvani News in a hmuna duty Horticulture department hotute a kawmnaah he thu hi sawiin department hotute chuan mipuiten an fair huaihawt mek chu an hlut thu leh tlawhtu mipui pawh an tam thin thu an sawi a. Fair hawn ni, Nilaini khan cheng nuai sawmpali, sing ruk, sang li, zasarih sawmthum man hralhchhuah a ni a, a ni hnihna Ningani khan an inhralhna hi cheng nuai sawmhni, sing thum, sang riat, zasarih leh cheng sawm a tling leh a. Nimin, a ni thumnaah khan cheng nuai sawmhni panga, sing hni, sang li, zariat sawmli man an hralh leh a. A vaia belkhawmin nimin thlang khan cheng nuai sawmruk, sing hni, sang sarih, zasarih sawmriat man an hralh tawh a ni.

Byte of PC Lalnunhlimi, Horticulture Assistant

Horticulture Fair hi thei, thlai leh pangpar thara zuartuten hlawkna an neih theih nan kum 2012 atang khan a remchan danin neih thin a ni a; kumin hian a vawikhat nan Lammualah Fair siam a ni.



VAIRENGTE

Vairengte Branch MHIP ten Buhthlei leh Puanbih zirtirin hun an hmang a

Nimin khan St Henry School Vairengte a class 9 leh 10 zirlai hmeichhia te hnenah Buhthlei leh Puanbih zirtir in hun an hmang a. Vairengte Branch MHIP te chuan Mizo hmeichhia tena an thiam ngei ngei tur buhthlei leh Puanbih te hi tlangthar zawk ten an thiam tawhlo hle tih sawiin hemi kawngah hian MHIP chuan tan la a zirtir zel chu a mawhpurh na pakhat anih thu sawiin Nu te pawn in lamah an fate zirtir chu an tih makmawh anih thu an sawi.

Hei bakah hian mizo incheina puan bih chu ngaihlu zual turin tlangthar zawk te hrilh in puanbih chu mizo te inthumna mawi ber leh zahawm ber anih avangin khawi hmunah mah puanbih hi zahpui lo turin zirlai naupang te an hrilh bawh ani.



MNYF

MNF Party Thalai Pawl MNYF President Pu Robert Romawia Royte MLA chuan . Chief Minister, Finance Minister ni bawh chu ZPM sorkar theih nana thawh hlawk ber dah nil dan zawnga sorkar leh party kalphung pela che velah a puh a.

Nimin khan MNF Party Office Hnam Runah thusawiin Pu Robert Romawia Royte chuan Mizoram sorkarin sum a enkawl dan a thiam loh avangin Mizoram tâna sum sanction sa leh ruahman sa an ti lapse nasa hle a, MNF sorkar chhông khân sum lapse a awm lo thung, a ti a. Chief Minister, Finance Minister ni bawk Pu Lalduhoma chu a Senior Cabinet Minister dah nil leh tihmualpho tuma a hmanhlelh avangin sorkar kalphung a buai nuai a ni a ti. ZPM sorkar hotute chuan kum 2 leh a chanve an sorkar hnuah pawh MNF hnathawh sa bâk hawn tur an la nei meuh lo, a ti a. Loan tam tak puk siin ZPM Sorkarin a takin hmasawna hna an thawk tlem hle a, chu vang chuan GST collection pawh a minus chho reng mai a, sum lapse pawizia hi mipuiin kan hmu chho mek a ni, a ti.

Ropeway leh Skywalk Lok Ayukta-in a chhui chungchâng sawiin Pu Roberta chuan, Tourism Minister a nih laia a hriatpuinaa MNF Legal board-te'n FIR submit an nih thu a sawi a. Amah ber an puh zinga a tel chu a beisei lo leh tih sawiin dere pawh a ei rûk loh avangin he case hian a dikna a rawn phochhuah leh a ring a ti.



NTA MOCK DRILL

Naktuka NEET-UG 2026 exam nawn tur atana inbuatsaih nan vawiin hian National Testing Agency (NTA) chuan ramchhung hmun hrang hrangah a tihchhinna mock drill a buatsaih a,

Tluang taka exam buatsaih a nih theih nan te, langtlang leh him zawka exam buatsaih a nih theih nan, vawiin hian tihchhin a ni a, NTA sawi danin, vawiin hian ramchhunga khawpui 551 cleh ram pawna khawpui 14 ah te mock drill hi buatsaih a ni.



IMD WEATHER

India Meteorological Department (IMD) chuan Sub-Himalayan West Bengal leh Sikkim ah te ruah nasa taka a sur theih thu red colour alert a siam a, naktukah pawh a sur chhonzawm rin a ni a ti.

Hmarchhak bial state ah te pawh ruah hi a tla tura hmuh lawk a ni a, Kerala, Mahe, Tamil Nadu, Puducherry leh Karaikal ah te pawh ruah a sur dawn a ni.



PRESIDENTS BIRTHDAY

President Droupadi Murmu-i piancham vawiin hian Vice President CP Radhakrishnan, Prime Minister Narendra Modi, leh Union Home Minister Amit Shah ten chibai an buk a,.

Pu Radhakrishnan chuan President Murmu i chuan mi hnuaihnuung leh ram rawngbawlin chhumlo chat lovin hna a thawk a ni a ti a, a mimal nun leh hnathawhnaah a nun tlawm tak chuan mi a hneh a, mi tamtak tan a cho phurtu a ni a ti.

